

Brambrüeler

Ausschnitte aus dem Programm 2012

Tina Maze sigi nur a schnella Hüpfen
Wegem hocha Gummighalt in ihrem Schlüpfen
Und vermuatlich trait dr Feuz – dä huara Clown
Bi da Abfahrtsrenna – heimlich es Kondom

Mina Goldfisch im Aquarium hät kai Ruah
Macht ständig d'Schnorra sinnlos of und wieder zua
Das Verhaltensmuschter glicht doch – ohni Mischet
Ama ganz normala Churer Polizischt

Im Fernsehschtudio hät d'Putzfrau neulich gsait
Han mini Lümpa imma Büro s'wo verlait
I han si nümma gfunda – und das glaubt kai Kind
Trait dia jetz plötzlich - dr Shiva um da Grind

Dia neu Statistik sait ganz klar und generell
Jeda zehnti Asylant isch kriminell
Bi dr SVP - ligt's offa ufem Tisch
Dött bruchsch 10 bis 1 findsch wo suber isch

Wegem Stossverkehr - uf dr Ober Au
Kömmend d'Männer - verschpötet hai zur Frau
Und wenn dia d'Nüttli au no winken, sona Schmarra
Gits a Standschada- aber nid am Karra

Am Fritig bir Arena – I vergizla fascht
Dänn d'Madam Rickli isch döt Dauergascht
Wenn si schnorrt ir Grossufnahm – es isch a Gnuss
Und dr Ton – Dä schalt i eifach us

Bim Rhiikronawirt ischs hüt obig still
Will er nit am OK z'Füttli lecka will
Au in dämm Lokal hän miar hüt z'letscht mol gsunga
Andernfalls hät eura Wirt a bruni Zunga

Bi minem Nochbar - am Karli isch's aso
Zum z'Natel lada steckt er's aifach in da Po
Und dänn strahlt er über z'ganza Gesicht – dä Hund
Fukushima Feria sind halt nit so gesund

Bim Frauatennis do z'Auschtralia im Final
Zwei Stund schtöhnen dia im Takt – es isch a Qual
Am nögschta Morga meint mis Schätzli zimlich schissig
Wenn nögscht mol Porno luagsch – mach doch bitte lislig

Das mit däm Windpark im Lugnez das sind doch Lüga
Dia Propeller müand doch gar kai Strom erzüga
Dia blösen numma Wind as isch banal
Dass nüm so stinkt bi da Schwi vom Bluamathal

Neulich hät ma dr Schettino wieder gseh
Ima Pedalo – ufam Zürisee
Dä söll döt tuggarla - as khan jo nüd passiara
Im beschta Fall würd er mit Zürcher kollidiara

Im Junglecamp müands kulinarisch unadura
Dia fressen Würm und Kakerlaka ohni Murra
Dia gliche Inhaltsstoff- das dörf ma nia vergässa
Nimmsch au zu diar wenn a BigMac gosch go fressa

A Dütscha muass pro Wucha 30 Stündli schaffa
Und miar Schwyzer schaffen 40 – miar sind doch Affa
D’Griacha krampfen sogar 50ig – das isch woahr
Allerdings nid pro Wucha s’isch pro Johr

Miar wänd dia Anti-Blocher Stimmig hälfa z’schlichta
Drum tüan miar jetz vo sina guata Tata brichta

.....

.....

das wärs scho gsi

Bi glatta Trottoir kasch uf Knickbruch spekuliara
Drum bin i mir Schwiegermuater go spaziara
Doch dä Drache hät mer schinbar nid so traut
Und hät sich Schneeketti an Rollator baut